



ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 32 Б А С П А С Ө З Р Е Л И З І
2012 жылғы 24 тамыз

*«Дәуіт» ескерткіш монеталарын
айналысқа шығару туралы*

Қазақстан Республикасының Ұлттық Банкі 2012 жылғы 24 тамыздан бастап «Қазақстанның қызыл кітабы» монеталар сериясынан сериясынан «proof» сапалы, номиналдық құны 500 теңгелік және нейзильбер қоспасынан номиналы 50 теңгелік «Дәуіт» ескерткіш монетасын айналысқа шығару туралы хабарлайды.

Күміс және нейзильбер қоспасынан жасалған «Дәуіт» ескерткіш монеталарының бет және сырт жақтарындағы бейнелер ұқсас. Күміс монетадағы бейнелер жылтыр етіп жасалған.

Монеталардың бет жағында (аверсінде) сол жағында номиналын (күмістен жасалған монетада монета жасалған металды, оның сынамын және массасын білдіретін «500 ТЕҢГЕ» және «Ag 925 31,1 g.» деген жазу), (нейзильбер қоспасынан жасалған монетада «50 ТЕҢГЕ») білдіретін жазу, Қазақстан теңге сарайының тауар белгісі және соғылған жылын білдіретін «2012» деген сан бар. Айналысқа мемлекеттік тілде «ҚАЗАҚСТАН ҰЛТТЫҚ БАНКІ» деген жазу бар, оң жағында өзіне тән өмір сүру ортасы – шөптердің арасындағы дәуіт бейнеленген.



Монеталардың сырт жағында (реверсінде) ортасында екі дәуіттің бейнесі берілген. Айналдыра мемлекеттік тілде «ДӘУІТ» деген жазу, дәуіттің зоологиялық атауын білдіретін латын тілінде «*HERODULA TENUIDENTATA*» деген жазу бар.

Монеталардың бет және сырт жағындағы бейнелер мен жазулар бедерлі.

Монеталар:

- 1) сынамы 925, массасы – 31,1 грамм күмістен жасалған, диаметрі – 38,61 мм, қыры (гурты) бедерлі, дайындалу сапасы – «proof», таралымы – 5 мың дана;
- 2) нейзильбер қоспасынан жасалған, диаметрі – 31 мм, массасы – 11,17 грамм, қыры (гурты) бедерлі, таралымы – 50 мың дана.

Номиналы 500 теңгелік ескерткіш күміс монеталар және номиналы 50 теңгелік нейзильбер қоспасынан жасалған монеталар Қазақстан Республикасының бүкіл аумағында көрсетілген құнымен төлемнің барлық түрлері бойынша, сондай-ақ шоттарға, салымдарға, аккредитивтерге есептеу үшін және аударым жасау үшін қабылдануға міндетті, Қазақстан Республикасының барлық банктерінде шектеусіз ұсақталады және айырбасталады.

Қазақстан Республикасы Ұлттық Банкінің түсініктемелері

«Дәуіт» монетасы Қазақстанның жануарлар әлемінің сирек және жоғалып бара жатқан түрлеріне арналған серияның он үшінші күміс монетасы болып табылады, нейзильбер қоспасынан жасалған монета – осы сериядағы жетінші монета.

Дәуіттер – денесінің ұзындығы 5 – 9 см дейін жететін айтарлықтай ірі жәндіктер, бірақ өзгешелері де кездеседі. Барлық дәуіттерге тән белгі – олжасын қағып алып, ұстап тұруға арналған алдыңғы аяқтары. Дәуіттер бүркеме шеберлері болып келеді.

Ескерткіш монеталар «Қазақстан Республикасы Ұлттық Банкінің Қазақстан теңге сарайы» шаруашылық жүргізу құқығы бар республикалық мемлекеттік кәсіпорнында дайындалған.

Монеталардың дизайны Қазақстан Республикасы Президентінің 2003 жылғы 25 қыркүйектегі № 1193 Жарлығымен бекітілген Қазақстан теңгесі – ұлттық валюта банкноттары мен монеталары дизайнының тұжырымдамасына сәйкес әзірленген.

«Proof» сапасымен жасалған ескерткіш күміс монеталар коллекциялық құны бойынша сатуға арналған. Олар кәдесыйлық ораумен шығарылады және Қазақстан Республикасы Ұлттық Банкінің мемлекеттік, орыс және ағылшын тілдеріндегі нөмірлік сапа сертификатымен жабдықталған.

Монеталарды Қазақстан Республикасы Ұлттық Банкінің барлық филиалдарында, Алматы қаласында мына мекенжай бойынша сатып алуға болады: Панфилов көшесі, 98. Анықтама үшін телефоны (727) 273-83-98.

Толығырақ ақпаратты мына телефондар бойынша алуға болады: +7 (727) 270-46-39, +7 (727) 330-24-77; E-mail: press@nationalbank.kz, www.nationalbank.kz